

佛日普照慧辯楚石禪師語錄卷第四 巍八

侍 者 祖 潤 編

住嘉興路本覺寺

天人參陪無路魔外入作無門任從天下樂
訴訴我獨不肯不見道塵中不染丈夫兒喝
一喝

歲旦上堂拈拄杖云山僧一條拄杖不曾胡
亂打人今日新正開封去也釋迦老子達磨真

大師放過不可自餘之輩車載斗量利劍不
斬死漢忽有人出來道長老聾聵脊便棒不
是與人難共住大都緇素要分明靠柱杖下
座

上堂水中鹽味色裏膠青決定是有不見其

形傅大士也是夢中了了醉裏惺惺要識心
王猶欠悟在

上堂頭上漫漫脚下漫漫燦迦羅眼莫能窺
盧舍那身全體現便是須彌撲碎海水沸騰
大地叢林一時火起也未曾動著一毫毛在

上堂一樹兩樹桃花三莖四莖修竹昔年謾
說靈雲今日休談多福紅的自紅綠的自綠
斜的自斜曲的自曲南北東西參學人畫蛇
往往重添足休添足六六元來三十六

佛涅槃上堂未灑比丘有三種執一人云如
來決定在娑羅雙樹間入般涅槃執此爲實
累他釋迦老子死了活不得一人云常在靈
鷲山及餘諸住處執此爲實累他釋迦老子
活了死不得一人云一切灑不生一切灑不
滅若能如是解諸佛常現前活的釋迦老子
便是死的釋迦老子死的釋迦老子便是活
的釋迦老子執此爲實正是大病世醫拱手

總不與麼時什麼處與釋迦老子相見風煖
鳥聲碎日高花影重

浴佛上堂未有世界早有此性世界壞時此
性不壞出世不出世成佛不成佛總是閒言
語淨灑界身本無出沒大悲願力示現受生
恁麼說話正是俗氣不除且道喚作釋迦老
子不喚作釋迦老子一舉四十九

結夏小叅僧問魏魏堂堂輝煌聲前非
聲色後非色未審是箇什麼師云無面目漢
進云即今枉什麼處師云眼見如盲口說如
啞進云此人還曾禁足也無師云脚不離地
走進云且道此人肯成佛麼師云莫謗他好
進云既不成佛却教誰度衆生師云有衆生
即須度無衆生度什麼進云如今三界二十
五有浩浩地喚作無衆生得麼師云癡人面

前不得說夢乃云諸禪德你無外遺世界內
脫身心心不繫身身如虛空身不繫心心如
法界如是禁足無足可禁如是安居無居不
安猶未是衲僧行履處直得文殊普賢掃牀
摺被等妙二覺隨驢把馬到與麼田地日消
萬兩黃金雖然如是西天有人未肯枉復舉
教中道種種取舍皆是輪迴未出輪迴而辨
圓覺彼圓覺性即同流轉若免輪迴無有是
處諸禪德喚什麼作圓覺又如何免得輪迴
去東澗水流西澗水南山雲起北山雲

上堂雨後橋平水滿山前麥熟鳥啼岸柳綻
綻林花灼灼溪光湛湛草色青青是心耶境
耶迷耶悟耶我觀三千大千世界迺至無有
如芥子許非是菩薩捨身命處你若會得釋
迦老子且過一邊

上堂縱橫不礙華藏海中一微塵逆順何拘
刹竿頭上翻筋斗無理外之事無事外之理
無心外之物無物外之心在蚌爲珠在龜爲
兆在牛爲角在馬爲蹏一一交參重重攝入
釋迦彌勒雖然卍字當眉文殊普賢也只鼻

頭向下諸人幸自無事須要護身符子作麼

喝一喝

上堂三乘十二分教大似屎窖子你無端刺
頭入裏許作麼來來我共你葛藤拈柱杖云
百千諸佛天下老和尚到這裏立鋒結舌你

試吐露看衆皆罔措師云賺殺人

上堂大事未明如喪考妣大事已明如喪考
妣你道有成褫無成褫長因送客處憶得別
家時

上堂聞茶板啜茶去聞浴板洗浴去聞壽山

道你諸人休去歇去爲什麼不肯與麼去忽
有人出來道和尚怪某甲不得向他道未到
壽山與你三十棒了也

解夏小參僧問鐵作脊梁骨金鑄堅實心時
如何師云此去錢塘不遠進云壽山門下若

有此人未審如何相待師云殷勤送出荒郊
外進云謝和尚證明師便喝僧禮拜師乃云

天地同根萬物一體在谷滿谷在坑滿坑量
過虛空虛空猶有其名號明踰日月日月猶
竝其光輝獮猴各佩古菱花樹木皆爲獅子

吼塵塵刹刹密密堂堂所以道法王法力超

羣生常以法財施一切久積淨業稱無量導
衆以寂故稽首有如是奇特有如是靈明但
衆生背覺合塵故諸聖應病與藥或立結制
或立解制或現全身或現半身但貴正法流

通不許妄生穿鑿火不待日而熱水不待月而涼鵠白鳥玄松直棘曲清風月下守株人涼鬼漸遙春草綠復舉世尊因自恣日文殊在三處度夏迦葉欲白槌擯出方拈槌乃見百千萬億文殊迦葉盡其神力槌不能舉世尊還問迦葉汝擬擯那箇文殊迦葉無對師云迦葉好不丈夫莫道百千萬億文殊便是百千萬億世尊也下一槌擯出不見道棒下無生忍臨機不見師

了菴和尚退靈巖回叙謝上堂夫爲善知識者驅耕奪食轉凡成聖其見善知識者如見青蓮華眼根清淨其聞善知識說法者如餐香積國飯毛孔俱香靈巖禪師之謂也再歸構李深愜鄙懷龍象參陪幸希珍重上堂天上天下腳頭脚尾橫三豎四是找尋

常用的你諸人只好旁觀諸方學得來的不要有時教伊揚眉瞬目有時不教伊揚眉瞬目有時教伊揚眉瞬目是有時教伊揚眉瞬目不是智者聊聞猛提取莫待天明失却鷄看田回上堂舉鴻山問仰山云何處來仰云田中來鴻云田中有多少人仰鍤鋤义手而立鴻云今日南山大有人刈茅仰搜鋤而去雪竇云諸方咸謂挿鋤話奇特大似隨邪逐惡據雪竇見處仰山被鴻山一問直得草繩自縛去死十分妙喜云仁者見之謂之仁智者見之謂之智百姓日用而不知故君子之道鮮矣師云幸是無事被妙喜老漢念一道真言直得天左旋地右轉

新贖藏經上堂舉雪峯一日普請搬柴次中路逢一僧乃擲下一段柴云大藏教只說這

箇後來真如詰云一大藏教不說這箇師云
只這箇是什麼說與不說且諸人向什麼處
見二大老中岳能堅起拂子云提起則如是
我聞放下則信受奉行師云若作佛法商量
眉須墮落

建萬佛閣上堂僧問逼塞虛空不是莊嚴樓
閣分明面目亦非一萬如來敢問壽山憑何
建立師云魯班繩墨進云物見主眼卓堅師
云鈎在不疑之地進云若不登樓望焉知滄
海深師云亂走作麼乃云一搜石二搬土發
機不用千鈞弩無邊樓閣滿虛空曠大劫來
誰是主誰是主須辨取最好一梁對一柱便

下座

謝首座秉拂都寺辦齋上堂禪非意想以意
想求之則乖道絕功勳以功勳擬之則錯安

庚六

箇是立箇非捨箇迷就箇悟轉急轉緩轉親
轉躁不能透過那邊多只住在這裏進則銀
山萬疊退則鐵壁千尋拶得一路開挨得一
線入元來自己便是銀山鐵壁到與麼田地
有什麼奇特三德六味味逾多一句了然超
百億

上堂一切處是自己饅頭餽子是也不是語
默動靜無第二人東廊下西廊下口吧吧地
如瓶瀉水相似罵劄被人問如何是上座自
已答不得雖然答不得要且不曾失呵呵下
歲旦上堂拈拄杖云新年頭有佛法拄杖子
也未敢相許新年頭無佛法拄杖子也未敢
相許離四句絕百非總是諸方舊話子拄杖
子也未敢相許畫一畫元正啓祚萬物咸新

上堂過去諸如來且居門外現在諸菩薩更
莫躊躇未來修學人快走始得十方虛空撲
落地大洋海底火發燒著帝釋眉毛東海
龍王轄一箇霹靂新羅國裏拍手大笑山門
頭金剛豎起拳華光土地道用盡自己心笑

破他人口

一喝

七

結夏小叅僧問一言道盡時如何師云開口
了合不得進云不假一言時如何師云合口
了開不得進云總不與麼時如何師云七棒
對十三乃云賤上眉毛早蹉過開得口來已
話墮祖師闡模少人知徧界茫茫脚踏火聲
前展演賺殺閻梨句後商量翻成途轍一踢
踢翻大海水一拳拳倒須彌山猶未是性躁
漢在何況起摸畫樣詐啞佯聾斷妄攀緣求
真解脫大似認觸體作水買朱砂畫月驢年

解休歇麼壽山不惜口業爲你諸人點破豎
拂子云還見麼這箇是文殊門若從文殊門
入者山河大地牆壁瓦礫教你背塵合覺擊
拂子云還聞麼這箇是觀音門若從觀音門
入者松風澗響鴉鳴鵲噪教你返本還源到
箇裏證不動尊成無上覺更須知有頂門一
竅還委悉麼麥秋晨氣潤槐夏午陰清復舉
龐居士叅馬大師不與萬法爲侶是什麼人
大師云待汝一口吸盡西江水却向汝道師
頌云蓋天蓋地一句子馬師盡力提不起好
笑青原接石頭逢人但問廬陵米

上堂是凡聖半合半開非佛非心全生全殺直似排空健翮萬里橫翔透網金鱗一絲

不挂豈不俊快衲僧有時句到意不到有時意到句不到有時意句俱到有時意句俱不到若意句俱到你作麼生商量若意句俱不

舉

到你又向什麼處鵠啄上人來時如何點

中夏上堂舉龐居士云護生須是殺生薑不改辣殺盡始安居到處得逢渠欲識箇中意爛沉裏有刺鐵船水上浮鬍子沒鬚須有底見他道殺也便道殺佛殺祖揀箇什麼恁麼

見解鄭州出曹門不如休去歇去好忽然築著鼻孔鐵船水上浮是真實語

上堂大道只在目前要且目前難覩欲識大道真體不離聲色言語諸仁者佛殿裏香爐東司頭籌子爲你說了也憒陳如尊者醉後

添杯來我這裏聽的總是註脚當初只謂茅長短燒却元來地不平

上堂彈指一下云這裏聞去一根既返源六處咸休復眼處作耳處佛事耳處作鼻處佛事鼻處作舌處佛事舌處作身處佛事身處

作意處佛事意處作一切處佛事畢竟是一耶是六耶纔有一便有六纔有六便有一此是一六之義不可道是無也無眼耳鼻舌身意無色聲香味觸法又不可認有也這箇是教意那箇是祖意喝一喝

舉

九

解夏小參僧問九夏償勞如何言薦師云重疊關山路進云便與麼去時如何師云江南僅有江北絕無乃云數日已來可謂極熱晚間得雨便覺清涼熱既不從外來涼亦非從內出不離當處廓爾現前則古釋迦不先今

彌勒不後何待精修六度始至法雲遠涉僧祇方階佛果便可於一臺端現寶王刹坐微塵裏轉大法輪有時拈一莖草作丈六金身

用有時拈丈六金身作一莖草用如斯坐夏功不浪施端的蠟人冰純成鐵彈子功圓果滿一句作麼生道一片月生海幾家人上樓復舉僧辭歸宗宗云什麼處去僧云諸方學五味禪去宗云我這裏有一味禪僧云如何是一味禪宗便打僧云我會也我會也宗云道道僧擬開口宗又打黃築曰馬大師出八

十四人善知識問著箇箇局漉漉地祇有歸宗較些子師云說什麼較些子直是未在我這裏有一味禪便與掀倒禪牀見之不取思之千里

上堂聞聲悟道塞却你耳根見色明心換却

你眼睛蒲團上端坐針眼裏穿線西風一陣來落葉兩三片

上堂東弗于遠普請搬柴西瞿耶尼和南不審南瞻部州作什麼復云適來猶記得

離千手千眼大悲像上堂僧問大悲菩薩用

許多手眼作什麼師云春風不裹頭乃舉南泉喚院主應諾泉云佛昔九十日在忉利天爲母說法時優填王思佛請目連運神通三轉攝匠人往彼雕佛像只雕得三十一相爲什麼梵音相離不得院主問云如何是梵

變

十

音相泉召院主應諾泉云賺殺人師召衆云若識得梵音相應以佛身得度者即現佛身而爲說法乃至應以天龍夜叉乾闥婆阿修羅迦樓羅緊那羅摩睺羅伽人非人等身得度者即皆現之而爲說法且道說什麼法

便下座

龍翔臺芳和尚遺書至上堂心同虛空界示等虛空法證得虛空時無是無非法既無是法又無非法則諸佛成等正覺轉妙法輪入般涅槃如夢相似臺芳老子佛海禪師屢董

名藍親承眷遇方辭徑塢即據龍翔末後光明全身舍利八斛四斗未足爲多試拈一粒

與諸人看豎拂子云海神知貴不知價畱與人間光照夜擲拂子

上堂函蓋乾坤句隨波逐浪句截斷衆流句更有一句喚作什麼癡人面前莫說打你頭破額裂

上堂好雪從什麼處來山河大地白皚皚畢竟向什麼處去日出後一時吐露

歲旦上堂今年年是去年年年去年來知幾

年昨日日是今日日日出日入非一日只箇無去來無出入年年是好年日日是好日四溟東海流般若波羅蜜

上堂舉法華云止止不須說我法妙難思諸增上慢者聞必不敬信師云說了也止得麼黃面老人分疎不下卓拄杖有時拈在千峯頂割斷天雲不放高

上堂豎拂子云知有底喚這箇作拂子不知有底亦喚這箇作拂子作麼生辨什麼難辨就中知有底把來使用不知有底用不得如今在壽山手裏知有不知有那裏得這消息

來擲拂子下座

上堂白牡丹紅芍藥開是春風開落是春風落開落春風總不知不知蚤已成圓度搖手

云莫莫

蘭華嚴至上堂善財歷一百一十城參五十
三員善知識末後再見文殊方了大事古人
道更有一人爲什麼善財不參且道是什麼
人咄

上堂鴉鳴鴉鴉鵠鳴鵠鵠郭公鳴郭公姑惡
鳴姑惡亦何必續鳥截鶴夷岳盈壑禪子相
投西山月落

浴佛上堂未出胞胎以前有一轉語山僧四
處住山不曾說著今日如來降誕未免舉似
諸人便下座

結夏上堂汝諸人見壽山搖唇鼓舌便擬聚

頭鵠啄向意根下搏量及乎放出金剛圈颶
下栗棘蓬十箇五雙吞跳不得此無他從前
在觸體裏妄想慣了又閨閣中暖軟物未除
卒遇惡辣鉗鎗便生退屈明明白向你道此事

不在言語上千經萬論可是無言語還使得
偷心也無端的要死偷心不用九十日內參
取

上堂鷲崛摩羅道我從無量劫來未嘗殺生
諸人作麼生會不可作無生話會也若與麼
會生身陷地獄

上堂十方世界鬧聒聒山河大地只一撮是
非長短俱不說何似壽山廣長舌既是廣長
舌因什麼不說珊瑚枝枝撐著月

上堂一向面壁道絕人荒一向貪程眼瞞耳
熟未有長行而不住未有長住而不行或時
十字街頭拈起柱杖和其光同其塵灼然一
切處光明燦爛去或時孤峯頂上放下鉢囊
杜其谿塞其穴灼然一切處枯淡去即心是
佛也不得非心非佛也不得不是心不是佛

不是物也不得我見兩箇泥牛闖入海直至如今無消息喝一喝

上堂得之於心伊蘭作栴檀之樹失之於旨甘露乃蒺藜之園生佛本同因什麼有得有失若道聖凡差別證修不諦心旨故殊與麼

卷

十三

喚作三家村裡瞎老婆說話未曾夢見我衲僧脚下一莖毛在有般漢便道此事得者本不得不者亦不失盡是野狐精魔魅人家男女未有了日更撞著禪牀上老禿奴不識好惡三百五百聚頭商量道我開鑿人天眼目著甚來由滴水寸絲也須償他始得

解夏小參僧問一人因說得悟一人因參得悟一人無師自悟三人同到壽山未審接那人師云獅子咬人韓盧逐塊進云與麼則普請參堂也師云去汝不會我語進云總不

與麼來時如何師云却較此子進云壽山門下風吹不入水洒不著師云罕逢穿耳客多遇刻舟人進云和尚只有受璧之心且無割城之意師云莫錯怪老僧僧禮拜師乃云黃面老人於三七日中思惟如是事作麼生是如是事莫是前後際斷是如是事麼莫是度生既畢入般涅槃是如是事麼若喚這箇作如是事正是水母以蝦爲目無自由分誇他黃面老人喫鐵棒有日汝等諸人九十日內畢竟思惟箇什麼我道黃面老人與你同一眼見同一耳聞同一鼻嗅同一舌嘗同一身觸同一意知一切智智清淨無二無二分無別無斷故雲門手中扇子跨跳上三十三天築著帝釋鼻孔把東海鯉魚打一棒雨似盆傾又作麼生昔年枉向途中覓今日看來火

裏冰復舉保寧勇和尚示衆洞山云五臺山
上雲蒸飯佛殿階前狗屎天糾竿頭上煎餽
子三箇胡孫夜簸錢石霜云風吹石臼爭哮
吼泥捏金剛空裏走趨翻海月亂波生驚起
土星犯南斗道吾云三面狸奴脚踏月兩頭

卷八

十四

白牯手擎煙戴冠碧兔立庭栢脫殼烏龜飛

上天此三頃一與祖佛爲師二驗衲僧眼目

三與天下人作榜樣若人定當得出許具一
隻眼師云保寧批判此三頃易分雪裡粉難
辨墨中煤壽山不惜眉毛從頭注破一與祖

佛爲師分文不直二驗衲僧眼目是甚泥彈
丸三與天下人作榜樣且莫錯會直饒會得

萬里望鄉關

造萬佛上堂僧問鴻山和尚道凡聖情盡體
露真常事理不二即如如佛即今佛在什麼

處師云南地竹北地木進云此佛還有形相
也無師云胡人飲乳返怪良醫進云和尚爲
什麼特地起模畫樣師云打草只要蛇驚進
云未審有功德無功德師云放待冷來看進
云但願東風齊著力一時吹入我門來師云
又恁麼去也乃云夜夜抱佛眠喚什麼作佛
朝朝還共起莫錯認定盤星起坐鎮相隨畢
竟是阿誰語默同居止非一亦非二纖毫不
相離如身影相似知這一段虛空多少人摸
索不著任是精金百煉巧計千般鑄也鑄不
成雕也雕不就傳大士纔開橐籥便見精神
直得鑑地輝天騰今耀古雖然也祇寫得一
半你諸人從朝至暮陞堂入戶開單展鉢本
來面目有甚掩處還見麼如今若不究根源
直待當年問彌勒

卷八

十五

八月旦上堂山河無隔礙光明處處透四天
下人即今在中庭裏相爭佛法甚鬧忽有箇
出來道諸人幸自無事無端被野狐涎唾肯
邊抹了見人便要爭佛爭法爭這箇爭那箇
爭到驢年也未歇在彈指云好沒興天帝釋

聞得從三十三天下來喝云你這一隊魔子
在這裡爭什麼各與二十棒貶向他方去也
壽山不覺手之舞之足之蹈之火雲初散後
金氣欲涼時

色是色見空是空又同凡夫見若見色即空
見空即色又同聖人見纔有凡聖二見此人
即墮見執與彼先尼外道無別驀拈拄杖云
這箇決定不是色空作麼生見令人長憶李
將軍萬里天邊飛一鶚

重陽上堂昨日是中秋今朝又重九親我紫
萸茶疎他黃菊酒紫萸與黃菊本自無疎親
相識滿天下知心能幾人

怡雲屋造石爲佛塔成上堂舉教中道若人
以真金日施百千兩不如暫入寺誠心一禮
發塔理上偏枯若人靜坐一須臾勝造八萬四
千塔寶塔終久化爲塵一念至心成正覺事
上偏枯直饒理事雙亡正偏不立要見多寶
釋迦則未可在還委悉麼龍袖拂開全體現
象王行處絕孤蹤

雲溪講主至上堂凡夫見色是色見空是空
聖人見色即空見空即色諸人作麼生若見

住嘉興路報恩光孝禪寺語錄

師於至正十七年八月初一日入寺

山門無門之門不入而入雲垂四野水滿雙湖若要天下橫行親到一回始得

佛殿還識佛麼面如滿月目如蓮天上人間

咸恭敬

祖堂一花五葉起必有因且道從什麼處起岸上蹣跚水中嘴對嘴

據室闊一丈高十尺是你諸人爲什麼入作不得鐵壁鐵壁

拈行宣政院疏燮理陰陽旁通造化光輝佛日普扇真風還他大力量人成此大力量事召衆云高著眼

拈諸山疏江南北浙西東同中有異異中有同野色更無山隔斷天光直與水相通會麼

若也不會看取下面註脚
指法座諸法以空爲座空尚不有說什麼諸法便恁麼散去豈不丈夫更待如何若何且聽喚五作六遂陞座拈香祝聖畢師云言迹之興異途之所由生直截根源的出衆相見僧問天得一以清地得一以寧聖人得一以治天下如何是天得一以清師云有星皆拱北進云如何是地得一以寧師云無水不朝東進云如何是聖人得一以治天下師云一人有慶兆民賴之進云衲僧得一又作麼生師云斬草蛇頭落進云今日和尚開堂演法文武臨筵一切人天悉皆圍繞未審一耶一切耶師云普進云一寸筆頭三尺劍盡是安邦定國人師云更不忉忉僧禮拜師乃云孤迥迥峭巍巍聖賢周措活滾滾明落落周匝

無餘有世界以光明爲佛事有世界以莊嚴
爲佛事有世界以香飯爲佛事有世界以音
聲爲佛事有世界以寂默爲佛事且道報恩
這裏以何爲佛事以不可思議爲佛事所謂
諸佛出現不可思議衆生業果不可思議世
界成壞不可思議此不可思議亦不可思議
是故一爲無量無量爲一大中現小小中現
大於一毫端現寶王刹坐微塵裏轉大法輪
畢竟承誰恩力喝一喝復舉南堂靜和尚云
君王了了將帥惺惺一回得勝六國平寧師
云雖然如是堯舜之君猶有化在大勳不堅

賞一句作麼生秋風吹渭水落葉滿長安
當晚小叅舉臨濟大師道有時一喝如金剛
王寶劍有時一喝如踞地獅子有時一喝如
探竿影草有時一喝不作一喝用師便喝云

藏人

十八

且道這一喝落在什麼處爲復是金剛王寶
劍爲復是踞地師子爲復是探竿影草爲復
是一喝不作一喝用試辨看若辨不出報恩
與你註破金剛王劍目前可驗擬議不來墮
坑落塹踞地獅子直下便是打破髑髏拈却
牙齒探竿影草好也不好左手扶起右手推
倒有時一喝不作一喝用大小臨濟只管說
夢便與麼會猶欠一喝在喝一喝

中秋上堂天地未分時高低覆載何在日月
不到處光明照燭無偏真箇是描不成畫不

就昨夜三更白如晝

上堂拈拄杖召大衆云還識拄杖麼回天轉
地更是阿誰打雨敲風不借他力若也識得
便能不起滅盡定而現諸威儀不歷憎祇劫
而成一切智不斷煩惱而證涅槃聲聞人斷

煩惱菩薩了煩惱體空嗔時無嗔相喜時無喜相嗔喜不相關本來無體相擲柱杖下座上堂通身是眼爲什麼觀不見通身是耳爲什麼聽不聞通身是口爲什麼說不到通身是心爲什麼鑒不出報恩有一道聰明神呪

卷六
十九
布施諸人去也便下座

上堂舉教中道耶輸提比丘觀視於地而心得解脫婆伽梨比丘觀視於刀而心得解脫豎拂子云報恩豎起拂子諸人得解脫麼若道我得解脫未舉拂子時誰縛你

冬至小參僧問去年冬至時滿目是旌旗今年冬至到由斯免亂離畢竟這裏無兵甲師云恰好進云千兵易得一將難求如何是難求之將師云低聲低聲進云忽遇軍期急速時如何師云自有彈壓在進云與麼則從前

汗馬無人識只要重論蓋代功也師云落在堪進步無量世間法無量出世間法無量神通妙用無量殊勝莊嚴一一現前一一解脫一一明妙一一天真所以道真性心地藏無頭亦無尾應緣而化物方便呼爲智向上還

有事也無今日十五明日十六復舉鹽官道虛空爲鼓須彌爲槌甚麼人打得南泉道王老師不打這破鼓法眼道王老師不打自然是箇破鼓師云且道什麼處是他破處驢年夢見麼

上堂舉承天嵩和尚示衆第一單鎗甲馬第二甲馬單鎗第三撒星排陣第四衣錦還鄉有僧便問如何是單鎗甲馬嵩云不是金牙作爭能射尉遲僧云如何是甲馬單鎗嵩云金鎌馬前落樓煩喪膽魂僧云如何是撒星

卷八

二

十八上解破家散宅諸人向什麼處見二大老若向作活計處見南泉又不見趙州若向破家散宅處見趙州又不見南泉不如和會一家免致遞相矛盾却教作活計的破家散宅淨倮倮赤洒洒沒可把好快活破家散宅的作活計七珍八寶一齊擎更無欠少也好快活然後報恩坐地看揚州總爲戰爭收拾得却因歌舞破除休

排陣嵩云陣雲橫海上未辨聖明君僧云如何是衣錦還鄉嵩云四海無消息回奉聖明君師云承天幸是太平時節何得干戈相待

報恩今日也不用單鎗甲馬也不用甲馬單鎗也不用撒星排陣也不用衣錦還鄉寒來

向火熱則乘涼撒手到家人不識了無一物

獻尊堂

佛成道上堂如來明星現時成道你道半夜

裡瞌睡的還見明星麼

上堂南泉道我十八上解作活計趙州道我

卷八
爲樂鄺居者以鄺居爲樂郊居者以郊居爲樂乃至蜎飛蠕動一切舍靈運用去來莫不有樂釋尊與麼道意在於何可來白雲裡教你紫芝歌復舉興化和尚道我聞長廊也喝後架也喝諸子莫盲喝亂喝直饒喝得興化

向半天裏住却撲下來一點氣也無欸欸地

蘇醒起來向你道未在何故我未曾向紫羅帳裏撒真珠與你諸人在師云我當時若見只向他道何必待這老漢東西頑視却與一喝驚羣須是英靈漢勝敵還他師子兒

正旦上堂三百六旬之始二十四氣之初斗

柄回春風光奪目或畫短而夜長或夜短而

畫長或暑往而寒來或暑來而寒往花根本
豔虎體元班雖然不改舊時人未免人人添
一歲召衆云祇這一歲添到盡未來際那裡

泊在

元宵上堂烈燄爐中撈得月此月了無圓缺

大洋海底剔金燈此燈不屬晦明正當正月

十五日天上人間標不出黑似漆明如日自古自今誰得誰失皆吾心之常分非有假於

他術喝一喝

上堂拈拄杖云報恩未報曲录木牀已前與
拄杖子同參四十年來五處住山與拄杖子
同樂畢竟作麼生參又有什麼樂教拄杖子
開口即易教報恩開口即難何也父母所生
口終不爲汝說且聽拄杖子說看卓一下云
此是截鐵之言

上堂深深海底撥得一星火高高山頂釣得
一雙魚然此火煮此魚喚取木人開鉢盂石
人聞得暗嗟吁莫嗟吁爭之不足讓之有餘

巖

主

華嚴經會陞座僧問一塵舍法界無邊時如

何師云三更不閉戶進云善財童子爲什麼
往南方師云一步不曾移進云五十三人善
知識各談法要不可是虛說也師云一家有
事百家忙進云如何是普光明殿師云草裏

覩進云如何是盧舍那身師云上是天下是
地進云竹影掃塔塵不動月穿波底水無痕
師云蝦跳出不出斗進云今日元帥恭請本山
一衆閱華嚴經未審八十一卷中那一句最
親切師云合眼跳黃河進云若將耳聽終難

會眼處聞聲方得知師云一任鑽龜打瓦乃
云說真說妄真妄本虛如理如理事常寂
問也言言絕待答也句句通宗經中道華藏
世界所有塵一一塵中現法界寶光化佛如
雲集此是如來刹自在刹自在故即凡身而
證佛身現法界故處穢土而同淨土鬧市裏
天子百草頭老僧前三三後三三你又作麼
生會喝一喝復舉僧問上藍超和尚善財既
見文殊爲什麼却往南方此意如何藍云學
憑入室知乃通方僧云到蘇摩城後彌勒爲

什麼遣見文殊藍云道曠無涯逢人不盡師
云奇特中奇特玄妙中玄妙達法源的須是
上藍始得祖師門下直是未在
佛曰普照慧辨楚石禪師語錄卷第四
音釋

餽 都回切音鷄 竹咸切音蹉 蹴 足開切艾
霜雪之 趕 他壓切音別 跛 杜今切音蹉
白也 息協切音 蹤 遊同蹉也 跛足也古蹠字蹉
和也 覩 古本切音衰